

96094

第陸冊

卷十二  
卷十三

人物志  
人物志

平湖縣志





平湖縣志卷十二

署知縣張力行纂修

人物志 三

義行

明

沈珍字穀瑤其先居烏程馬要鄉避難來海上  
明高皇帝師過樵李輸穀百石充餉帝登極布  
衣赴闕上興利除害十事帝稱善賜食授以職  
不就年七十一卒蕭山魏文靖驥銘其墓

平湖縣志

卷十二

人物 義行

一

陸宗秀宋樞密使旋吉九世孫天性孝友父產  
以讓二弟永樂甲辰應求賢詔仁宗初引見于  
便殿問曰如何則天下太平秀叩頭曰皇帝親  
賢納善大臣秉公持正自然太平仁宗悅曰好  
言語公卿在列者皆悚然既出大學士黃淮問  
先生何字對曰小民名實字宗秀里中謬以字  
行淮歎其言動合禮留京月餘以疾辭賜寶鈔  
銀幣還正統五年歲大祲傾粟麥二千九百餘  
石以賑饑民事聞賜璽書褒獎表其門曰尚義



秀入謝賜宴光祿子珪字廷玉嘗代輸一邑賦以寬民力景泰六年饑疫珪與弟瑜給穀種散樁積以千數明年更饑又與弟璣瑜瑾共出穀五千餘斛賑之有司上其事詔授珪迪功郎與三弟賜宴光祿珪以德義推于鄉鄉人就以質平先是建學宮珪與大姓沈昊共任之大成殿成邑令羅榮酌酒祝曰願兩家世世衣冠不絕後五十年間二氏子孫兩領解云

屠機字汝敬歲饑兩輸粟賑濟例得階服輒辭屠機字汝敬歲饑兩輸粟賑濟例得階服輒辭視之乃一人手足被縛命舟人負至舟解其縛易故衣以火溫之久而蘇知爲句容商人徐甲爲盜所劫養之踰月愈而歸以百金酬不納

江濟字伯與宋丞相文忠萬里之裔正統五年命臺臣領敕督各省布按府州縣置預備倉勸民能出粟佐官者旌其義復其家濟傾家得粟麥二千一百五十石散賑鄉里有司以聞賜璽書褒獎表其門曰尚義勞以羊酒入謝賜宴奉



命建勅書樓于江灣

孫佐鍾鳴遠陸國平潘璧四人正統五年歲饑各出米二千石助賑有司上其事勞以羊酒復其家三年國平初名國英宗嫌之賜改國平陸杲字元晉嘉靖辛丑進士授刑部主事理漕撫刑執法不阿與漕臣左漕臣罷官杲亦罷略無愠意倡諸子置田八百畝歸景賢祠歲收其入以周族人謂之族田又置田五十畝歸世德祠畀宗子供禴祀謂之祭田羣里族之子弟置

塾講業置田二百畝以給稍廩謂之學田宗族日繁更徭不支置田三百畝分贍之謂之役田宗黨朋友多割產以食之并捐貲築邑城年七十三無疾端坐而逝子光祖光祚光宅有傳

張濤字悅清多隱德娶婦盲相敬如賓蘆瀝場官逋二百金繫郡獄濤代償之越人駱某好學而貧以勾軍匿濤所濤護之遂入陝中鄉試歸以百金壽却之友人趙端償所負金攜七歲孫漢以往濤器漢歸所償金佐漢讀後漢任諫議



執子姪禮終其身孫熒字恕齋太學生母歿哀毀逾禮父病願減算延之果瘳世宗朝銓部楊豫孫薦不赴惟以詩書自娛雲間張東海先生契之子大忠布政使有傳

陸橋字元建別號石居深明性理詩文入宋人之室景賢祠創立義田多夾輔功其宗族至今賴之

陳增字進吾中副車不得志閉戶著書學宮燬倡義修建百日事竣華亭徐文貞撰墓表

平湖縣志

卷三

人物

義行

四

俞迪字允吉以貢任廣東都司斷事有清操指揮王江失機監司欲并坐干指揮屬迪按之迪力爭曰失機法不得襲干非其罪何可坐干潛以千金壽固却之干感其德願以弱息奉箕帚迪曰吾老矣幼孫未婚可爲媳乎干愈感謝遂締盟

楊府字見山幼從姚江諸爨學與弟庶稱二難隆慶戊辰會試乙榜授滄州知州移寧州雪陳以朝獄以朝登進士遂師事府里居好義助城



工禦倭修學宮濬運塘著經書講言醫學搜精  
曾孫兆梧有傳

俞錦字克美敦仁好義姪彬貧析產過於已子  
故人金杰死無以殯杰子坤來鬻田計所須給  
之焚其券貧者十餘家藉錦舉火嘉靖間築城  
署縣殷廷蘭以其居當城趾欲廣數丈全之錦  
曰何等時乃以一人居煩縣官費乎竟自毀庭  
寢二十餘間郡守劉唐巖顏其門曰義門

韓文字本質起掾史授羅浮倉官前官逋糧久  
繫獄文嘆曰三十金關一家命盡出所攜資償  
之遂得釋文六十無子南雄太守貢珀贈詩曰  
捐金不惜緣無子垂老猶忙爲有官此意只教  
知屋漏老天曾肯竟漫漫後果生子相任通判  
贈文如其官年八十餘卒

陸屋字載民博學隱居家不甚饒慷慨好施值  
歲饑宗人賴以舉火戚里亦多所仰給至鬻產  
不恡有司奏旌其義

陸序字可松爲黠者所中坐死得雪黠者坐他



法序更爲排解黠者愧服出粟千石賑饑上聞授七品秩子槐爲萬年令有兄弟相訟召與語頌在原之詩以諭之訟遂解

沈維錡字震躬諸生少有大志嘉靖丁巳倭警總督胡宗憲設計降倭厚禮聘錡往錡慨然曰此我見奇時也時倭巢沈莊衆莫敢入胡問策安在錡曰倭巢錡室當以主人禮進錡有遶舍田數百畝因寇荒蕪誘彼屯田徐圖說之胡善其議錡儒服入倭叢中爲叙主客禮議論頗洽

說以耕種之利并爲計久遠倭頗信之巳大兵四集盡殲之錡實首功督府欲疏請大用錡志在一第不欲以軍功顯固辭督府壯而許之但奏免沈氏十年田稅

沈維錡字望洋慷慨有義節嘉靖甲辰乙巳間旱蝗隨父塚設糜賑饑全活甚衆錡子民範字寅所有醇行不以子貴改其素子萃楨爲姦黨所構範怡然曰小人所切齒者是君子我今得爲君子父矣



陸萬鍾字天與諸生善屬文好談孫吳兵法會倭入寇鍾裹糧赴敵多所擒獲倭攻桐鄉以箠衝城用布拔其箠又以刀裂布用勾刀掣其刀倭却兩臺上其事授泰安州判司馬政例稅無所取調信陽信陽軍田混淆鍾區覈均其糧陞工部所正忤選郎左遷掛冠歸

曹校字世儒號鵞川由選貢授光祿寺丞性至孝生平樂善好施尤篤宗誼長子光次子煒相繼登進士立朝並著風節

平湖縣志

卷十三

人物 義行

七

林雨字少巖僉事桂子桂登正德甲戌進士授刑曹執法忤權貴下御史獄世宗立擢祠部郎建大禮議陞僉事雨值徐海亂產中落性慷慨鄰里藉以舉火弟病痰以產讓之從弟無歸者咸爲割產析居以明經授溧水教諭遷代府教授

陸光宅字與中隆慶庚午舉人少慕陽明先生之學闢天心精舍集名士百十人儲廩授餐講究師門宗說性好施賑人阨困自食脫粟衣布



素臨命書太極無極四字王龍溪謂與中之學以仁爲本而又徹禪宗故至性不亂云

劉麟字子仁好施與三族賴以舉火者甚衆妾李氏父老無依遣歸事其父子希聖字思睿天性孝友母病衣不解帶者三月兄弟五人析產時獨取其最下者嘗遊白下拾遺金于逆旅坐候其人還之以子廷元貴贈尚書聖弟希賢字東溟性孝友事繼母盡禮進膳必躬親有指使則身先婢僕子文元官袁州別駕有清政

平湖縣志

卷三

人物 義行

八

陸基志字季高莊簡少子庶室支氏出莊簡歿荷恩諭祭賜葬志痛生母不得耐赴京乞恩就詹事府主簿獲邀封命母卒奉莊簡衣冠合葬創惠宗祠於景賢祠後祀司寇杲以族之捐田及有功於祠者配年七十八卒無子遺命不立後盡以產授兩姪耐祀長房

陸基誠字存卿諸生重氣義戊子大饑發儲蓄餉族戚擇五父之衢爲糜粥以食餓者復設義塚市糶積收瘞路殍度大禳後必疫劑藥餌以



待已而果疫人賴以全子錫恩令萬安手書親民要略三十條授之

陸錫命字仲敬母病目親爲舐吮目遂明以例補中書舍人山東歲災御史往賑錫命捐穀千石佐之御史上其事建坊旌之生平扶災卹難親友待以舉火者常數十家又捐田百畝於宗祠以贍族

李嫌生海濱少遊黌序好賑貧困所至殖千金隨手散去官潁州判以廉能調繁滁州河工告

平湖縣志

卷十二

人物

義行

九

績浩然言歸

陸珂字子珍好義樂施卹宗族鄉黨貧不能婚葬者周之輯格言勗子孫曰饒人一着讓人一步爲善最樂無欲常安年八十三兩舉鄉飲不赴子文典字希堯性孝友折節讀書甲辰歲饑捐資設粥以活流民張亨貧爲娶婦路得遺金還其主讓塿基田捐葬地好行其德常手書清慎勤三字及仁廉公勤四箴子長庚有傳郭日乾字懋學諸生客長安友人陸萬境死道



上跣足負歸寓學使蘇紫溪旌曰尚義真儒子  
紹儀官御史

倪維城字北鑰諸生少贅于陸與內弟長庚同  
課誦砥礪如嚴師蘆瀝場總催爲小竈累維城  
與趙志奎等上書鹽使者陳利弊年九十賦落  
花詩一章而卒子鍾瑞字青翟萬歷戊午舉人  
性介謹宗人元琪爲歛令業師施時堯宰儀真  
招之皆謝不往曰父母在不敢以遊疎定省也  
老而好學視聽不衰年九十四卒

平湖縣志

卷十三

人物

義行

十

施應埧字士和少時代昆弟繇役建白平徭諸  
議嘗拾遺金俟失者至還之贅於曹富而無子  
資應歸埧埧視其含殮哭之去無少染指子鳳  
來有傳

曹鐘鳴字洪聲戚屬朱存吾以腴產典鳴五十  
金後請售鐘鳴曰子賴此餬口苟屬我子何以  
生不索金而歸其券

陸瑞銓字宇屏父傳教少膺多難勵志砥行遺  
產爲其兄蕩廢無愠色瑞銓幼孤自立旣爲諸



生生徒日衆族有貧者捐田六十畝入祠分給  
故人子負薪于道收錄之錫山舊族有鬻身者  
蠲資贖之

王應中字鍾甫明末僉充北白解戶謁新令朱  
如容令詢利弊應中條陳詳悉令心識之邁家  
難賴以得白

吳光室字季宜宋進士俯後寓於湖因家焉姪  
孫宗道僅三齡撫之十五年婚畢而返其橐廣  
製良藥普施病者又集古人格言刊修福正詮  
一書晚號虛白年七十卒

平湖縣志

卷三

人物

義行

十一

沈中秀字穎生鄉飲介賓崇禎庚辰歲大饑佃  
戶高某逋租三十餘石鬻其婦以償秀惻然蠲  
之夫婦得復聚

倪士顯字慶雲貧而好義助表甥楊大成婚娶  
代鄰人陳甲償鬻身值許東鰲夫婦老無所依  
生養死葬之子虬以文章著

沈紹閻字巽仲諸生舉明經葺宗祠廣墓田皆  
躬爲之倡



曹釋祖字之采庠生崇禎辛巳大饑出粟三百石以賑子穎洙字系宣天啟丁卯舉人官教諭穎泗字仲宣崇禎壬午舉人鼎革間捐金贖族衆羈繫者以好義稱

趙科字南泉歲貢生崇禎壬午大祲捐粟煮賑邑令旌之

俞文溢字以忠諸生沉潛篤學言動以禮意所不可輒義形于色生平寡交以道誼相切劘者終身無間性至孝撫教庶弟倍至屢試不售以歲選入京卒于邸

國朝

陸淪原字岫丹少有文譽性孝友兄清原殉難後獨居蕭寺枕席皆淚痕年三十八妻亡不更娶旁無妾媵歲饑請于邑令勸巨室減價平糶晚年以歲貢薦授臨安訓導功令嚴逋稅諸生貧者淪原出俸錢補之以抗直罷歸

姚舜宣號華樓父應煥有純德司訓定海視諸生如子弟舜宣亦以恩貢爲括蒼教諭居家奉



庭訓昆弟友愛邑令王若惺敬之數造廬乞教終無私請孫之鳳字叔瞻爲諸生有名著四書粹言尚書定解積勞成瘵卒

張冲元字完初少爲諸生尚義有節氣以信實待人崇禎末出穀賑荒遠近活者無算創宗祠捐祭田卒年七十四乾隆元年附祀忠義孝友祠

劉灘恒字滌凡入鹽庠邑被兵僵屍道路相枕籍恒偕姪棕率僕從收瘞一千四百三十七人

平湖縣志

卷三

人物 義行

三

時湖畔無行舟炎穢蒸灼恒竟日往還無所忌撫軍聞其義欲上聞旌獎力辭

陸標錫字叔因性溫厚遇事輒慷慨族女有蒙難者歛貲贖之子隴其爲理學名臣

標錫一名元見清獻

狀行

周心峻字介于居圓泖之濱與陸清獻父叔因衡宇相望世交欵洽值明季叔因避亂清獻尚幼挈之坐舴艋中心峻見清獻資敏囑弟永瞻攜至武塘讀書三年通四書五經性理當時理



學蚤亂獨永瞻世守程朱故清獻小學時趨向  
克端既清獻補庠生蕭然四壁心峻復引清獻  
館兄孟敬家課姪纁未幾清獻登第心峻淳修  
厚德鄉里咸稱善人云

張甫字伯宣諸生晚棄舉子業閉戶讀書嘗輯  
宗譜建祠置產爲闔族倡年九十無疾而終子  
兆治亦諸生能詩先甫卒

李慶乙字秋水孝廉天植從孫喜種菊得馬塍  
遺法躬自灌溉與郭襄圖善襄圖爲仇家所持

平湖縣志

卷十三

人物

義行

十四

將中以危法慶乙經紀其家中夜扁舟出入險  
阻數瀕殊死急郭難郭亡命出走吏督慶乙榜  
掠之下獄慶乙裹創卧獄中不爲動會有謀釋  
慶乙者得歸歸三日卒給諫馬培原銘其碣曰  
義友李君之墓

屈希平字又原庠生父岳暘卒平弱冠喪葬盡  
禮葬祖體父志耐庶祖母焉事兄至恭周卹族  
黨無倦色水旱出粟賑濟冬月施襦死不能殮  
者施櫛櫛一邑推長者



周日芳字蘭生太學生慷慨有膽識康熙初奉檄丈量芳條議弓口照舊又陳白糧改折之弊得徵本色其他好義事不可枚舉

倪兆嘉字允康一字豫菴性至孝淡於進取有姊旣嫁而貧兆嘉育其男女婚娶如已出兩親先後歿盡禮極哀遇親躬急難不惜傾囊以贈新安洪姓質布失業負兆嘉三百餘金不責償子用光力學蚤世覲光有傳載光敦倫樂善綽有父風

平湖縣志

卷十三

人物

義行

十五

倪淑則字詒孫歲貢生早喪母事父至孝受業陸清獻之門授以小學近思錄篤行能文遂于經學生平睦族周貧邑稱長者子喆林字幼貞國子生生平篤學勵行奉清獻爲師表嘗校訂大全小學等書鏤板行世東湖水勢湍急陸楊橋尤爲西南要衝捐資千餘金改建石梁行旅至今賴之淑則壻吳光酉字豐在諸生得聞清獻緒論參訂年譜梓行

馬嘉棟字礎臣庠生砥礪廉隅里黨矜式長子



焜遵父訓偕弟焜曾折節讀書同游黌序庚辰  
焜成進士授山東邱縣令歲饑勸賑寬徵民沾  
實惠以卓異行取不赴歸里主持育嬰社棄嬰  
全活甚衆

陶有生字西音性孝友舉鄉飲介賓好施與設  
粥賑饑子傑亦樂善好施有父風

張崢字如岡九歲父母見背哭泣盡禮事伯父  
如父終其身年十七受知于山左顏學使循例  
貢成均康熙戊子己丑間水旱設糜粥以賑之  
廣施藥餌以拯疫癘設棺以濟貧知交緩急慷  
慨立應年四十卒子奕樞有傳

徐凝字鞏藩太學生性至孝爲父躍林肖像建  
祠倣古刻木事親意家素封藏書數千卷耄期  
猶研究弗輟歲荒設粥以療民饑捐金倡修  
文廟子上法字乾菴雍正癸卯舉人孫維垣任  
福寧知府

楊林字漢林力行善事建東湖木橋七處今之  
石梁皆其經始又濬城河自東水門至馬家灣



以便民邑有匠班錢糧匠戶子孫久苦株累康熙丁丑林奔請詳題將全浙所科徵者悉併入條鞭宿累頓除王縣尹瑋碑記有義民楊林之褒華亭大司農王日藻採入編年遺事題其塋旁小菴曰餘慶  
戈定字長發庠生加意姻睦親族無告者膳之無歸者殯之夏帳冬衣解贈不吝戈溪北置義塚數畝

沈瑜字倬宸諸生湖中育嬰之舉始於董縣尹

平湖縣志

卷三

人物

義行

七

庶事草創瑜偕同志請于當事設法勸捐築堂養育瑜鈞較出入苦心擘畫十六載規制詳備堂產幾二百畝活嬰無算瑜亦以勞瘁卒

陸其燧字晚春年十六遊庠旋貢成均性至孝仲弟蚤世撫遺孤以祖屋讓焉割腴田爲婦翁卜兆延蒸嘗親芻以緩急告者立應潘紫翰貧乏嗣死無所歸任殯葬并舉其家未舉之喪康熙戊子施粥于報本塢全活無算以仲子鳳岐

贈儒林郎鳳岐字武三好施予捐社穀六百



石上臺獎其惠敷桑梓以子黃鉞 贈中憲大  
夫

許默字鳴一少穎悟館于茗溪受知谷學使遂  
爲湖庠生年四十喪耦迫母命繼娶馬氏入門  
色慘淡詰之再三乃云前夫尙存特鬻身償逋  
耳急遣還不索其金口占一詩以送之與趙道  
闇爲詩友壽八十二

張長明字朗辰庠生設義塾訓其鄉之子弟又  
甃石爲橋歲燼煮粥濟人活二千餘戶年七十

平湖縣志

卷十二

人物

義行

六

餘卒

沈源湟字殿榮鄉飲賓鍾蕃季子少失恃事父  
至孝兄喪耦資兄續娶者再恤戚族之嫠孤子  
嘉梅字裕芳監生父傷足每扶抱如廁後患中  
風扶掖起卧不怠敦行善事葺橋梁掩枯骼倡  
平糶償逋糧助兩世未葬者子廷烜登仕版諄  
諄以清勤愛民爲訓壽七十八

徐鈺字寶錄號芥園同氣八人怡怡友愛撫季  
弟鐘成立行善于冥冥之中惟恐人知年五十



始登雍正己酉賢書生平不妄著述讀書期心得實踐躬行急人之難有鬻女者傾囊以贈焚其券設家塾督課子弟先品誼後文章子鴻昇早年成進士宰寧鄉著循績一秉義方年六十二以子貴 贈如其官

顧遐齡字符嵩監生雍正壬子歲飢傾已囊助賑饘粥路經水洞口拾遺金佇其人來還之子兆颺中乾隆乙酉副榜

屈大成字集齋早孤事母承顏順志伯仲友于

平湖縣志

卷十二

人物

義行

十九

人無間言家素封克崇儉約與人謙恭和煦雖童稚微賤未嘗以傲忽加之延名師訓子弟家道嚴整門館無雜賓與弟天成行義相勉効若捐葺黌官樂善好施等事咸踴躍爲之卒年七十七以子學海貴 封承德郎

屈天成字培齋號禹功性至孝早歲失怙事母施惟謹與伯兄大成曲盡友恭曾効用河壩以省親歸母死哀毀盡禮生平尙義輕財勇於爲善捐學田社穀置義塚葺黌官建橋梁數處振



與同善會設棹施殮設藥施病平糶濟貧每四節之會調族之困乏與孤嫠者湖邑稱仁人君子敦行善事始終不倦天成爲翹楚年七十有七以子樹榮貴 贈如其官

屠楷字幹園幼失怙事母純孝母有不豫卽長跪以請必得親歡心始卽安撫諸弟妹拮据婚嫁雖傾囊不吝

沈廷牧字岳儕庠生幼孤事母至孝家貧積館資營葬兩世又葬外父母居鄉正直自持族黨咸敬而畏之譜田祭產竭力維持得以不墜

孫文海字叔沛監生弟觀海早世撫其孤設家塾教戚族中無力從師者凡育嬰濬河建橋咸樂輸助

張應壽字玉溪嗣伯御蒼爲後事繼母定省無虛日賑族弟貧乏復祖墓域獨任辨糧一十六畝精堪輿術不計酬直里黨推長者

沈堦字辛公貢生歷試優等時藝膾炙人口年逾五十居喪哀毀盡禮痛兩世未葬拮据營窀



宓友愛昆弟提挈孤姪撫之成立中年悼亡不  
再娶年八十五弟廣字萊洲庠生性孝友事繼  
祖母繼母竭力奉甘脆承歡與兄壩同居一室  
課徒自給造就生徒多成名雋遇戚黨大事以  
道相勗一言排解鄉里尤賴之

何大齡字鼎揆候選州同鄉飲介賓何賦穀季  
子讀書砥行樂善好施捐祭田供祀族姓無力  
讀書給膏火費戚黨不能婚葬者助之嘗買林  
姓田後林親歿無厝地焚券還其田歲暮躬詣  
寒門投以銀錢卽去并遍給獄囚其他善行甚  
多嗣子東臯孫學源俱克承先志姪西銘大齡  
愛之並以爲嗣亦克盡孝養敦善行云

周璣字在庭讀書好善有穿窬入室察其迫飢  
寒啟囊以贈其人亦改行子錫龍字覲揚乾隆  
壬申舉人授穀城令調繁襄陽罷歸囊橐蕭然  
竭力奉甘旨無倦色璣歿哀毀卒于苦次

金昌緒字廕臺由監生任福建布政使都事清  
操自勵無以供朝夕泊如也性好施予凡友戚



至閩必招入署款洽爲之經紀往往傾囊以贈終無倦容喜爲詩跌宕不羈無子乞休歸卒

韓廷芳字遇宸諸生少失怙事母愛敬兼至先意承順每讀父書覩畫像未嘗不泫然流涕爲人剛方正直時凜從善如登從惡如墜之訓聞過則喜人有過必忠告善道見人善若已有之極口獎勸橫逆之來必自反終母喪不御酒肉不內寢不入城市遇忌日薦享猶于几筵間嗚嗚作孺子泣妻有宿疾初成婚母卽欲爲芳買

妾固辭琴瑟靜好終身不貳色歲大飢芳向邑令陳民疾苦得省刑緩征晚偕楊之淳等倣舉同善會開誠勸捐設法賑濟遺惠無窮

馮朝棟字覲王邑庠生至性孝友力行善事析箸後兄殖中落割己產贍兄父病焚黃請代與韓廷芳等創舉同善會至今孤嫠廢疾者賴之與馬啟後收埋無主之棺勸集放生之會課徒脯修悉惠貧乏之家無斗筲宴如也束身圭璧里黨咸欽年四十六終無子



陸鏞字宮聲庠生生平孝友言行篤實胸無柴棘與人交和藹可親不見愠色與同學韓廷芳馮朝棟等創舉同善會鏞力爲經理日漸充廓工詩文兼擅八法年四十六

鄭時乘字起田太學生性耿介不欺然諾尤好施與時同里陸官聲等創舉同善會一切公費缺需時乘每爲墊給事成不索償亦不居功又嘗仿袁了凡先生遺意設功過格以自檢生平操履冰兢類率如此乾隆三十七年督學使者

王以敦行不怠匾音獎之

鮑振宗字玉齋號南鷗庠生先世自新安遷居當湖振宗幼敦孝義性倜儻不羣工詩文兼擅書法家貧授徒自給平生慷慨自負不屑爲齷齪態遇公正發憤抗論不阿動中窾會雍正壬癸間歲禮宗詣邑令條陳便民事十令從其半前後經理嬰堂創立規條弊修墮舉嬰糧漸充高令邑志延宗分纂郡守安溪李復邀纂禾郡古蹟毫不以私干中年鼓盆不更娶



張延誦字穆如號詩佳博通經史贍文詞下筆  
千言立就試必高等入敷文書院肄業以五經  
應試屢困棘闈終身杜門課子足不入城市生  
平敦實行崇實學師嚴錫光故遺孫金紱孤苦  
無依育于家飲食督課逾已子入邑庠并爲婚  
娶割宅與居紱歿廷誦哭之慟撫恤發婦至易  
簣時猶諄諄囑子若孫善視之其篤于古誼如  
此子宗濂師洛俱敦行能文騰聲庠序惜皆早  
歿

平湖縣志

卷十三

人物

義行

二十六

劉遐齡字伯朝號晚香少失怙母馮守貞十餘  
年口授遐齡章句母故號慟不欲生嘗捐貲倡  
復宗祠賑恤姻族有鬻婢者詢知舊族焚券歸  
其女不索值聞者義之

介節

宋

趙孟堅字子固號彝齋其先以安定郡王從宋  
高宗南渡賜第于廣陳登寶慶二年進士知嚴  
州雪張均平報父讐獄發廩賑飢全活民五萬



餘戶景定初遷翰林學士承旨拜榮祿大夫宋  
亡不仕隱廣陳縣令宣城梅黻歎曰昔人所謂  
名可聞身不可見殆先生歟孟堅善筆札工詩  
文好飲醉則以酒濡髮歌古樂府自執紅牙節  
曲時載一舟中置琴書尊杓泊蓼汀葦岸吟賞  
自得酷嗜書法嘗得白石藏禊序五字不損本  
夜歸雪溪舟覆行李盡沒手持帖立淺水中大  
叫曰蘭亭在餘不足介意也因題八字卷首云  
性命可輕至寶是保善作梅竹得逃禪石室之

平湖縣志

卷十二

人物

介節

三五

妙於水仙尤奇從弟子昂自茗來訪不納強之  
令從後門入坐定惟問卞山笠澤近來佳否曰  
佳曰弟奈山澤佳何子昂慚退令蒼頭濯其坐  
具晚居崇德年九十七卒諡文簡有彞齋集

元

陸正字行正本名唐輔端毅寡言精于律呂象  
數之學以家世宋臣絕意仕進自號率齋居士  
元世祖遣治書侍御史程文海至江南訪求賢  
士正稱疾不見文海還以正與張伯淳薦正獨



不起後復與劉因同徵不赴隱居陳山教授生徒以慎獨存心爲要所著有七經補註樂律考正學編克己雜言凡八十餘卷卒年六十七學者諡爲靖獻先生弟唐俊亦以學行稱子應奇字景祥明初郡守劉澤民知其賢欲奏官之力辭孫士賢字彥良樂善好文有意氣元末名士會稽楊維禎宣城貢師泰錢塘陳彥博多主其家

明

平湖縣志

卷十三

人物

介節

三

趙友聞宋太宗十三世孫學古養高郡邑以提舉薦固辭明初給戶帖曰友一

馬昇博綜典籍有經世志聞靖難兵起遂隱居以父遺田宅讓諸弟別築一椽詩文自娛課子曄瞻俱成名瞻爲御史昇竹椽布袍如故自號溪南老隱所著有溪南集蒹葭詩稿

陸綸以恩貢授夾江令單車就道入境輒拒郊迎品物器用出自里甲舖戶俱給還之羨餘一無所取政簡刑清案無留牘月立二會厚賞格



以厲士文風大振秩滿授文林郎以艱歸遂致仕家徒四壁築室墓傍居之

潘鷗字惟遠家貧苦學以正德丁卯舉人授肇慶府通判羣盜蠡起悉力禦之境賴以安未滿考掛冠歸窮困如故里中爲之語曰書中車馬多如簇潘明府無一舟一僕家居二十年談經爲後生師表年八十餘卒學者稱東淵先生同時有李萼字剛甫少無朋從自以意績學薛學使應旂見其文重之以爲有道氣萼遂自命必

爲聖人作克念圖從王龍谿遊終日正容默坐時出城市默自數步而行或時迴步從前路起再整步期不失尺寸人以是迂之環堵蕭然一意好道自稱也醒居士年五十餘卒沈司成懋孝作兩介士傳

曹臬少業儒家貧館于某家忽夜有叩門聲則處子也臬拒不納明晨以他故辭族兄校以貢仕光祿丞家富而老托臬司計四十年許尺帛分錢犁然不苟弟蚤亡遺女臬厚嫁之舅氏死



臬調其嫠孤子光有傳

沈維鏞字宣卿號小山十齡能詩文二十領嘉  
靖戊子鄉薦性狷介不因人熱試禮闈姻戚趙  
文華陸炳交爲之地維鏞知之卽託病歸終身  
不上公車又屬銓曹授以甲科官亦不就人呼  
爲癡舉人侍御劉漢樓嘗曰吾蒞平湖四閱寒  
暑不爲私謁者惟沈小山一人晚益放曠花晨  
月夕與騷人韻士詩酒倡酬流連忘倦一日偕  
表戚陸某泛舟東湖陸極口羨東湖滋息維鏞

平湖縣志

卷士

人物

介節

三

默不語酒未闌遣蒼頭取券至交陸曰吾以君  
爲雅人故偕君放眼九派湖光君乃以爲利藪  
耶今割畀君余亦與俗子絕交矣其骯髒負氣  
類如此

陳謨幼失怙嗣伯父鼎爲後嘉靖間貢于鄉授  
南城兵馬指揮改長蘆運判尋致政不能治裝  
晚乃築穴於嗣父側曰我如他穴後世子孫或  
以父非本生疎於拜掃人服其始終完孝子志  
道字凝甫選長洲縣丞期年掛冠歸太守檄留



之扁舟已抵舍矣所著有惜陰銘秋夜吟喻世格言歿之日整衣冠自題其像翛然以逝

懷所學字敏卿萬歷己卯舉人日惟扃戶讀書有以請託至者赤頰謝之經年不一至公府人高其介年三十一卒

馮伯原字起寰萬歷中以拔貢授上林苑丞陞廣西鬱林知州有惠政尋忤當道意歸里隱居徜徉山水間

李天植字因仲崇禎癸酉舉人後改名確字潛

平湖縣志

卷五

人物

介節

三

夫遯迹乍浦龍湫稱龍湫山人一子早喪家奇貧門無三尺童厨無爨婢惟白頭婦相對間績棕鞋俟天目僧至償其值易去又劈竹爲器鬻於人往來海涯九峯間後耳聾與人接每于粉板作書通酬荅長吏守帥聞其名訪之踰垣避山中糧絕或饋以酒米非其人雖飢弗受也年八十二卒

馬嘉楨字允和吏垣嘉植仲弟崇禎乙卯舉人孤高絕俗時就里塾課生徒束脯所入以供二



人常云兄以祿養我以館穀養各供子職焉中年後寄跡蘭若不入城市往武林法華山受戒同年友嚴沆物色之莫能得書畫各臻其妙詩文甚富易簣時悉取焚之曰毋留文字以銜名無子遺命不立嗣弟嘉相儒雅自命無貴介氣不樂仕進翛然終隱

過銘簠字叔寅銘盤同母弟生而穎悟年十九中萬歷戊子副榜辛酉下第黃太史石齋物色之以有司失人爲惜晚年歲薦不就焚去制藝

平湖縣志

卷十三

人物

介節

三

稿杜門謝客陳豕宰百史以書幣迎峻却之靜坐讀書雖饘粥不給怡怡無戚容甲子春感微疾召諸孫曰我一生閱歷皆分內事非爲名高也言訖而逝年八十六子澤廣庠生性醇而介無褻履氣早世不遇

國朝

邵朗字元亮宋儒康節先生後幼好學壯而多病謝舉子業旁通二氏家本寒素好周人急受其子封二十年足不至公府邑令執年家子禮



請見固辭逍遙物外口不言阿堵遇家慶人請服公服朗曰君恩不可瀆壽七十諸子欲徵詩文以佐觴笑曰我豈須此此安足爲我重弗許不衫不履時與衲子往還蕭然高寄

張著字形先諸生棄舉子業寄跡甬東王季重秦汝翼皆尊禮焉晚愛逃禪并究老莊及陰符經參同契悟真篇諸書生平不茹不吐惟種德藝善哀窮賑乏爲無厭年七十五而終子周鼎字耳黃性溫慈沉潛好學康熙乙卯舉鄉薦第四大司寇魏環溪器重之

平湖縣志

卷十二

人物

介節

三

馮煇字瑞駢庠生性真篤曲盡孝道念累世簪黻與人謙退庶免招尤一切名利澹然鄉里推古君子妻李氏蚤喪終身不再娶親黨義之

王素行字繪先諸生性端毅講道一宗紫陽以朴實力行爲務家窶貧能貞苦節讀書西宮不能供藜糗日惟噉粥以延軀命節屆小雪下體猶著生布敝袴志益堅氣益壯令名好爵視之蔑如惟日孳孳者閭然爲已之學蓋獨行君子



也後攻苦致病不食者累日黃冠餉以糜粥堅却之竟死于道院

楊之淳字甘山御史燦曾孫績學砥行介然不苟風矩端凝動必由禮衣必布食不擇味講書雖盛暑必整衣冠湛深易理每語人曰屋漏有鬼神才短亦非恥居南郭孤樓岌然供祖先神主每日焚香肅拜親歿茹素終身家貧授徒餬口舉一子殤鼓盆後不再娶生平不貳色不殺生晚年焚所著書自題其像曰輟耕圖

平湖縣志

卷三

人物

介節

三

文苑

晉

顧榮字彥先吳丞相雍之孫與陸機兄弟同入洛號爲三俊拜郎中歷廷尉正嘗與同僚宴見執炙者有欲炙之色割而啗之曰豈有終日炙之不知其味者乎及趙王倫敗榮爲倫長史被執而執炙者爲督卒救免齊王冏召爲主簿冏驕恣榮懼及禍終日昏酣友人馮熊知其意謂長史葛旗曰府大事殷非酒客任乃轉中書侍



郎元帝鎮江東官散騎常侍卒榮素好琴既卒家人置琴于座張翰鼓琴哭之慟趙瀛郡志程楷縣志皆云顧邑山顧榮之先勾踐支庶封此子孫遂以爲姓山自海鹽析入湖榮爲邑人無疑

宋

魯豈字季欽兄詹崇寧五年進士豈與弟詹皆紹興五年汪應辰榜進士所居起橋顏曰三登豈仕至太府卿言支移折變利弊甚悉報可喜

平湖縣志

卷十一

人物

文苑

三

杜詩編次爲十八卷世傳冷齋杜詩定本及卒呂祖謙輓之周必大爲作墓誌詹終朝奉大夫詹戶部郎中池州守豈子可宗進士又中博學宏詞科仕至太常卿詹子可封詹子可簡簡子玕珏皆進士世其家

魯應龍字子謙文謚族孫宋末布衣著閒窓括異志載邑中故實及他雜事亦著撰一小品也元

屠曾字體乾世居乍浦北里許士家山永福巷



母樂夢王曾而生故名曾受書於臨川吳草廬  
延祐中浙江行省薦爲學教諭至治癸亥舉浙  
江東榜第一有虞庭慶雲賦爲藝林稱重授建  
康學正不就隱于家曾爲澉浦宣慰楊耐翁壻  
吳元年籍沒楊氏其家遷避齊景鄉虹霓堰孫  
勲官尙書

明

陳昌字穎昌景泰間諸生有詩名與里中沈石  
窓兄弟交善目爲畏友所著菊莊集今無傳其  
詩僅見朱翰所輯橋李英華才思藻麗長于七  
言海鹽徐豐厓詩談稱爲名家

平湖縣志

卷三

人物

文苑

三

周衢字士亨性悃悃無華邑初建人文未起衢  
篤學慕古中景泰庚午舉人任膠州學正以禮  
率諸生衣食不給者捐俸助之罷歸肆力經史  
爲身心性命之學所著詩文力追古人

吳佐少穎異工書法善吟咏成化乙酉舉人授  
岳州通判循良有聲宦味殊澹誦歸去來辭遂  
返



沈樟字元美穎悟絕倫少受易日誦千百言弱冠爲諸生試輒高等困浙闈遂入太學復不售選授蘇州經歷歸別構數椽爲終隱計尤喜長嘯竹下自號竹隱與二三知己商畧詩史遇佳辰則飛觴浩歌旁若無人

趙彰字用常宋宗室與詔後負奇嗜古藏書數萬卷王太史梅徵時館于彰已而入中秘每言吾所學大半得之用常家也宏治辛酉貢入太學薛吏部故與彰善曰子盍俛就廣文吾爲子地三年可得令彰謝曰敝廬薄田足供伏臘奇書野乘不乏披吟安能爲五斗折腰向白眼少年耶不試而歸

平湖縣志

卷十二

人物

文苑

三五

屠應竣字文升康僖公勲第六子恥以父廕貴力學登嘉靖丙戌進士選庶吉士與一時才俊交學日益閎富如議禮疏薛瑄從祀疏皆有原本尤長於詩諸體雄麗爲七子開先王弇州稱其含華茹英輝燄奕奕萬歷初張文忠秉政改諸吉士爲部曹竣授刑部主事調禮部歷員外



郎中仍改翰林修撰陞侍讀進春坊右諭德引  
歸垓尙奇節豪宕風發時交趾弗靖幾二十年  
詔廷臣議有才望者往諭以垓應詔垓奮然願  
奉使命宣天子威議寢不行方垓之生也康僖  
公筮之得震之漸曰鸞德如玉飛上高木鼓其  
羽翼光照四國及歲乙巳夢謁衡山君有書在  
庶間曰明年正月十三日官至二品增年一紀  
晨起呼諸子曰我殆將死矣我宦遊二十年官  
不踰五六品二品增紀者其易歲之兆乎如期

平湖縣志

卷十三

人物

文苑

三

卒

王梅字時魁嘉靖壬辰進士選庶吉士改刑部  
主事初建昌侯張延齡下獄刑部主事沈椿以  
戚畹故不合入重獄代者踵之事發前後提牢  
官二十四人俱下鎮撫司獄擬杖梅與焉謫判  
滁州卒於官梅才氣豪上欲以功業文章自見  
未究其用在滁縱情山水發爲詩歌清深老健  
超然塵壒之外歿後五年馮汝弼守太倉爲之  
刻柘湖遺稿



沈宏光字子懋世居石莊里嘉靖間以諸生遊  
雍徧交海內名士會父兩山抱疴輒業歸精心  
理學嘗葺衣棕屨開席講論學者宗之足跡不  
入公府按使者以幣求見不可得晚悟天道元  
氣成于貞人心愛德歸于正作愛正編又感里  
徭之弊作均平議立宗法與兩山訓戒爲世誦  
述

李璧字少白邑庠生有文名與茅見滄瓚輩爲  
雲居十才子之一後以事下獄瓚屬提學孔文  
谷出之惜無遺文可傳其死節李斷女卽璧之  
姪女也

平湖縣志

卷十三

人物 文苑

三七

沈懋孝字幼真姪七月而生膚清可見五內登  
嘉靖壬戌進士以侍養歸隆慶戊辰選庶吉士  
授編修陞修撰遷南京國子司業時史臣貴不  
離局呼司業爲嫁老女至南益厭薄之懋孝淡  
如也尋以壬午主考南京中式王少方係故相  
張居正戚中蜚語謫兩淮鹽運司判官投牒不  
赴李維楨孫植皆爲剖雪懋孝無一言置辯退



居淇林之上授徒講學晚歲產益落庭戶蕭然  
擁書萬卷日丹黃其間有乞文者引紙疾書不  
加點竄視其紙之長短必竟幅乃已起河南巡  
撫未任自言自二十五歲脫科舉習侍養七年  
無一日不探羣籍在館二十五年朝講修史之  
暇亦無一日不誦覽而力常分五十掛冠始壹  
意勒一家之言學者稱長水先生弟懋嘉字會  
真諸生與懋孝齊名子瑞鍾字德培號徵梅嗜  
古好奇秘籤怪錄靡弗搜覽爲文奇奧讀者棘

平湖縣志

卷十三

人物

文苑

三

喙不能句則自喜以選貢知雒川縣不習吏事  
有古鐘聲聞數十里日登樓擊之官舍數楹四  
壁皆羅古書以軟弓輕箭射中某架卽翻閱諷  
詠日不厭尋罷歸

馮敏効字忠卿汝弼次子少善屬文七舉不第  
杜門著述工詞賦大小行書日置酒集故人詞  
客更製新詞佐之嘗渡江中流被風舟幾覆賦  
詩自若子伯楨字正伯亦工詩

陸光宙字與常比部棐子四歲而孤邁家難匿



車中走京師至武惠所十六補順天府學生聞  
母訃南還隱居郊園與宗旭初暘璩之璞君瑕  
輩一十八人結文酒之社晚夢一道士持靖節  
小像索題諦視之卽已也題曰在晉爲淵明躬  
耕辭五斗昔以節自持今惟義自守千載復歸  
來春風吹五柳曾識白蓮人遠公是吾友蓋十  
八人中有白蓮道人如本也翼日遂逝年八十  
六

王建中字維新萬歷丙戌進士累官叅議家居  
後日夜誦覽兩目皆赤老而好學遺集最富爲  
人所竊今不傳

馮元鑑字三峩萬歷庚子舉人授合肥教諭陞  
涪州知州乞歸結廬雙谿之濱生平高雅善文  
尤工書法

洪世基字弱生六歲能屬文萬歷庚子舉于鄉  
益攻苦扃關手一編校閱伏臘都忘不計生產  
口不談阿堵丁未計偕復落乙榜有十八房衡  
明文檢諸選海內稱之



沈維鏡字西野邑諸生惠州知府垣之子鬻產積書手自評雋與客倡和爲樂

陸基仁字元卿太學生篤學不倦嘗師事袁了凡得其穎悟後入程朱之室

孫宏祖字令宏簡肅公孫太學生爲人骯髒咋嚙不爲世所可乃一意求快于文詞多詭聞異藻幽踪獨韻與陸澄原趙韓陸啟浚馮洪業爲詩酒交子愚公字伯愚亦能詩

陸從諭字耳宣自華亭徙居平湖苦志讀書究

平湖縣志

卷三

人物

文苑

罕

心濂洛關閩之學旁及諸子百家冀爲通儒萬歷己未進士授國子監博士歷工部員外無子其卒也囊橐蕭然稱貸成殮弟從誥字具評天啟辛酉舉人學業醇至能爲人師兄弟俱狷介不苟取與人並稱之

陸府修字採禹受業於從祖志孝以文行重於鄉由舉人授諸暨教諭屺修學宮擢松江府判署府事剔除漕弊禁革羨耗晚年歸里卒

姚世勳字元仲天啟甲子舉人隱居專心易理



晚歲家益落講易城隍廟暇以奕酒自娛年七十六卒

屠象美字幼繩崇禎辛未進士授行人對策稱旨改翰林院檢討東宮講讀疏薦倪元璐李邦華等三十七人尋罷歸

倪長圩字伯屏崇禎丁丑進士父望遠舉壬午鄉試長圩筮仕蘓州司理鋤姦擊暴政績卓然署嘉定有惠政民建報德祠祀之生平博學好古善書法精于制義臨文伸紙往往終日危坐不成一字及既就瑰奇偉麗幽拔奧崛驚人駭俗上擬周秦非漢唐以下所及

陸啟浚字叔度十歲能作古文辭博極經史不事章句論詩以杜陵爲圭臬酒酣擊鉢累牘連篇亦不復拘格律也性倜儻負奇類河朔壯士好談論古今成敗扣之纒纒不可窮遊建業大會詞人于桃葉渡十四樓中奉爲上客旣而走京師詩名籍甚公卿折節與之交垂二十年終不遇庚辰歸隱更名遜字山翁



趙韓字退之初名京翰字右翰其父以文名動海內韓復繼起有大許小許之目萬歷壬子貢入北雍與四方才士交戶外屢滿司成吳默識當束髮時承父命願侍函丈韓固辭迨壬午入南雍吳公已居司業握手大驚曰是吾師也今乃以羣雍稱弟子耶晚年號欖生自謂生平於詩可許獨步識者評其詩雄雋傲兀刊落常調誠一時之豪也子泐有傳

孫曾楠字讓生簡肅公會孫結廬秋涇庭栽梅竹顏所居曰鐵菴與幽人韻士飲酒賦詩雲間陳仲醇以家藏楊廉夫鐵冠鐵笛爲壽曰冠貯竹葉酒笛作梅花弄此菴大不俗矣晨夕偕友黃月輝吟詩其中平章詩史

俞允懷字懷茲邑諸生窮經博古受知于張天如著名婁東金沙文社晚年發爲聲詩多高淡寂寞之想

沈中柱字石臣口吃不能言熟於左國史漢尤好管韓爲文縱橫闔闞落筆數千言立就崇禎



庚辰成進士令吉水捐俸葺鄒忠介書院以課  
士黃石齋以言事下獄遺書劉彭岫力救之又  
揭京逋代輸贖緩歲旱飛蝗蔽天抗章乞蠲今  
歲田租之半當事者格不行罷歸家徒四壁自  
號無諍居士構懷木菴奉父栖隱其中弟中琛  
字獻臣少有文名詩思曠遠翛然多出塵想

陸上瀾字芳洲四歲能誦唐詩十歲五經諸史  
皆淹貫有神童之目崇禎丙子科中南闈第二  
出公安袁特邱門袁官淮右公車北上胥吏以

資斧進堅拒之曰我豈與小人作緣村居不入  
城市性寬慈善養天和叔龍如舅金履元家貧  
無依迎養喪葬皆盡禮從弟有私鬻其新宅者  
置不問年八旬猶手一編子來章字孟公邑諸  
生善讀父書爲當湖七子之一孫士琰中甲子  
鄉試第一

倪端初名涵元字惺孩世居清溪鄉父醇字鍾  
白早歿端家貧教授陳山之陰遂奉母居焉喜  
爲詩間治農圃有古隱者風以目疾廢卒



姚世靖字子清幼孤事母孝居廣陳遊學華亭  
崇禎壬午後息意仕進棲隱南溪書屋樂貧教  
子以詩文寄其高致

俞懋敬字元禮九歲能文中年得癩疾右手廢  
習左手書弟懋相字元簡性脫略不修邊幅賦  
詩自娛

沈澣字則新家貧隨父讀書鄉塾刻苦能文屢  
試無所遇遂棄帖括肆力于經史授徒海鹽與  
胡震亨姚士粦輩交晚年布衣茹素無疾卒

平湖縣志

卷十二

人物

文苑

器

王路字仲遵幼嗜學多所綜覽性喜蒔花居龍  
湫萬松臺弟端字正始中年棄舉子業學劍喜  
爲詩兼工繪事開圃種菊以嘯傲終

許丕祚字芝裘廩膳生少孤事母以孝聞績學  
工文弟丕猷字元震博聞強識與丕祚齊名丕  
猷子質字初白亦能文

宋咸初名斌字二完後字爾恆工舉子業好詩  
讀書於陳山潛心易學性倜儻不拘小節工臨  
池筆力遒勁又善奕家貧薄游金陵上湖湘有



卜居半山之志不果年四十九卒時有陸錫禮者字中黃亦善易學與咸齊名二人尤爲相契云  
馬文治字遠之工詩文遊京師三十年不遇歸家杜門以賢良徵不赴

國朝

陸瑤林字以攻父之祺萬歷己未進士授工部主事歷陝西左布政使瑤林登順治戊戌進士任金谿令性慈惠尙德化時陳丞因漕務逋公帑繫獄代償得脫又爲貧民償積逋澤被最厚迨親老辭歸以圖書翰墨爲緣

楊嗣源字若谷增廣生工制藝數入彀而失敦倫勵行年八十九卒

馮秉恭字子近性不羈骯髒與俗忤善哭意有不適長號者移時爲諸生不遇放廢詩酒晚居北郊別墅貯法書古瓷以自玩往往沉醉臥水草間與牧豎爲伍驅犢負蓑作野老態時有朱之鑑者字孟昭居邑之華家村性高傲物自謂



狂生人亦狂之獨善馮秉恭狂相似也晚寓乍浦與周宏起爲文字交稱莫逆焉

胡嗣璜字映日居北郊自號蘭菊主人子偉字松侶庠生有至行兼工詩文居家訓子義方長慶豫字雖來學問淵博客西江與毘陵邵子湘洪都彭元叔相酬倡由京師入秦入蜀而歸以明經終次觀字次咸康熙辛酉順天舉人丁父艱哀毀卒次恆次啓貞次復竝諸生恆字晉三長于春秋啓貞字震初精易理能詩老而無後客死豫章復字見亭書法李北海黃涪翁早歿時稱胡氏五俊

張孚吉字初缶號依山諸生爲文古奧歷試高等齒僅三旬忽棄制藝精研聖學以明心見性爲實功悟太極一元大哉乾元至哉坤元得三元混合之妙理持躬端整儕輩皆莊事之微言密義不輕示人

胡右寅字伯時博學有文名丹黃盈案寒暑不輟事母孝母有不豫色長跪移晷老而不敢怠



嘗以邑乘多闕略叅校綜核自訂一集藏于其家

馮文麟字茂芳拔貢生以績學砥行課子孫子元白字冠中有文名孫幾字孟三從事舉子業試輒冠軍司衡屢徵閱卷雍正癸卯拔貢年踰六十矣乾隆丁卯舉飲賓

陳國政字憲生讀書元珠寺婁東張太史溥過禾郡極推重之順治庚子歲貢入都寶坻杜文端當國慕其名開東閣招之歸里於所居之南構三非圃起秋聲閣栽花蒔竹嘯詠其中二十年不入城市

于琳字貞瑕父有恆負才名工書法琳好綜覽膺歲薦不赴教授生徒兼通六壬數及地理醫術善行楷妙繪事若擊劍談兵諸技時亦爲之晚年習禪理庚申冬翛然揮手而逝

馬廣幹字飛生鳴雷子爲人外通中介尤長辨才家貧以教授爲事凡理學性命古今成敗得失矢口講論多別解使人靡靡忘倦三吳之士



咸歸其門翕然有大儒風歿後門人私謚曰端敏先生

郭襄圖字臯旭御史紹儀子弱冠受知張溥文德翼三吳社集皆知名喜詩文交遠近名流奔走四方久而無成曹侍郎贈詩曰苦吟經戰伐短褐老乾坤無子撫三外孫諸生鍾機字石城博學工文姜學使延入幕謂才冠浙士光秘健事兄至恭俱早卒

周宏起字雲虬號道腴潛心力學與許丕祚齊名有海上二虬之目下筆爲古文縱橫排奐爲寧都魏禧曾晚所賞晚任青田訓導數載投檄歸卒年八十三

平湖縣志

卷十二

人物

文苑

吳

趙洵字天來年十五補庠生與陸棻沈皞日陸棻陸世栻陸來章沈隆峴角逐文壇有七子會業爲詩風骨珊珊得中唐人高格性狷介疾惡不少假粵東馮學使聞其名聘之抵署卽歸曰我欲一啖荔枝耳道經南雄與太守陸世楷日夕酬倡繼又策蹇入燕未幾歸獨居一室遂與



世絕病革顧諸兄索筆書曰正性不磨何難朝聞而夕死卑躬受益尙其修己以光前擲筆而卒

沈暘字叔倫號尙廬家世豪盛折節讀書爲諸生不遇棄去築書屋數椽琴書靜好香茗郁然浮動于筆墨硯席間惟名僧韻士樂與談對列雙松哦詩其下與宗人季友居相近每當月明花謝輒過作夜話唱和最多

楊九垓字孚九少有志節以孝聞弱冠好讀史論天下形勢如指諸掌所交皆四方賢士大夫崇禎季年屢欲詣闕上書其母怒曰我習爾家皆各循階級以保門戶汝固才奈何作意外舉止九垓感母言遂絕口不談時務生平著述甚富工書畫有求者韻人雋士則欣然應之俗子十返弗顧也性亢直不能容人過人嚴憚之家貧無子徜徉嘯歌年踰八旬卒

沈日星字明阿號大士諸生孝友廉潔與弟不負俱以能詩名少從父宦江右黎博菴特器重



之所交皆當世名士遊金陵與劉伯宗姜如農諸前輩爲同社友吟咏至老不倦子甸字南城增廣生博學能文性端方嚴重有古人風孫廷牧有傳

柯宏祚字柯山年十五補諸生一躋鄉闈輒厭薄制義棄去遊燕南江北與方外畸人交遊歷所經詠歌甚富

沈崧字涵中號古民歲貢生博極羣書癖耽吟詠爲人軒昂磊落有陳元龍風概分纂邑志網

平湖縣志

卷十二

人物

文苑

辛

羅舊聞兼才學識三長詩稿散失不傳

王允猷字二嘉諸生明季兵燹時警不輟絃誦初豐於財家瀕海之獨有山海氛闌入劫掠一空遂爲貧士益肆力于古晨炊不繼泊如也性方嚴不苟言笑雖黨塾中輕儇子遇之亦震讻卒年六十一

金璞玉字柳城與兄式玉俱有異稟讀書一目十數行下工詩賦博涉典故人以疑義詢析辨無倦容嘗居江南縣幕以文字見知於制府延



入署相得甚懽越二日制府以憂去其數奇如此生平著述甚富俱失傳

倪象鴻字芽始諸生博學工文社集中推執牛耳善養生家言得大壽人以為調息之驗康熙壬子陳邑宰孚宸聘象鴻修志同修者陸若禾府庠生遺著今無考

陸埜字我謀郡庠生為人外和內介交遊有過輒面斥之無所忌書齋高爽山池草樹頗擅幽勝日擁書萬卷嘯歌其中塵務不縈于懷亦不問家人生產非騷人雅士不得窺堂奧也當湖七子埜為領袖晚益娛情詩酒著作甚富稿多不存

姚宏度字宗裴父廷聘諸生性高簡嗜讀書宏度以貢生授中書為詩文超俊不凡兼工書畫扶危濟困力行善事為鄉里所推重

吳光遠字邇修幼敦孝弟嗜古文詞下筆千言立就谷學使拔置冠軍與陸清獻公交相砥礪早歿弟廷遠字覲宣寬宏仁厚犯而不校合邑



稱爲長者

陸棻字義山號雅坪以國子生高等授中書舍人康熙丙午舉順天鄉試丁未成進士爲原官晉典籍十七年舉博學鴻詞試一等改翰林院編修充明史纂修官庚午主福建試癸酉充順天武鄉試副考官保直南書房出五臺金蓮花限韻賦詩立奏稱

旨三十三年召翰詹八十九人試以豐澤園賦理學真僞論

平湖縣志

卷十二

人物

文苑

五

上親閱卷取第一由贊善陞內閣學士兼禮部侍郎嘗批紅本七十餘奏勾決本請出矜疑二十餘人總裁諸書局高文典冊多出其手

宸翰果饌賜甚優渥以病乞歸生平孝友性成伯兄南雄守世楷先歿棻竭志承歡無倦族黨有寄金者死遠徼其子歸封識如故還之卒年七十蕭山毛奇齡爲撰墓誌

鮑駿字聲來號桐石由增廣生入太學執經於汪琬之門琬稱其詩入劉錢之室一時名宿如



施閏章王士正葉方靄田雯潘耒皆相見恨晚  
以博學鴻詞薦丁外艱不獲試而歸服闋有徧  
遊五嶽之志歷雲中江右黃山武夷天台至必  
題詩倦遊歸築室曰草庭汪堯峯爲作草庭記  
駿大父文遠工二王書法駿承家學更極縱橫  
盡致自成一家

高士奇字澹人原籍錢塘人由諸生入太學以  
書法稱

旨注翰林授詹事府錄事歷少詹歸里徙居平湖尋

平湖縣志

卷十二

人物

文苑

五

召赴史局養母請假晉詹事復卽家拜禮部侍郎兼學  
士士奇性耽書凡秘府典籍悉資討論性謹密  
侍直數十年出入扈從未嘗一語及溫室之樹  
才情敏妙侍對詩文應聲立就邑有馮氏舊圃  
構江村草堂奉母居焉

賜號竹窗歿諡文恪子輿有傳軒候補京府通判居母  
喪哀毀疾卒

曹志周字微之操制義選政四方從遊日衆康熙  
熙己未成進士授南江令課農桑勤開墾設義



學公餘作南江近藝與諸生切劘有絃誦風庚  
午分校得士五人禮闈皆聯捷陞工部主事生  
平著作能嘉惠後學

張家漢字漢中讀書十行俱下爲文章磅礴奇  
古中康熙甲子副榜庚午幾入彀終遭點額遂  
寧張中丞鵬翮奇其卷延之西席以學行深相  
契儀封張清恪公伯行爲運河道延至山左主  
濟寧書院講席年七十五卒族弟綦字星若貢  
生胸懷蕭逸亦工詩

楊聲珮字雲瞻庠生幼敏慧受業曹志周讀書  
砥行色養二親杜門課子屢躋棘闈卒長子標  
字赤城康熙壬午舉人丙戌進士選庶常恬于  
仕進歸里門清擦介節士林奉爲圭臬總制嵇  
文敏聘掌敷文書院講席課士外毫無干請四  
壁蕭然不以介意學問淹貫制義力追正始卓  
然成家年七十五次子益齡字心川凝字肅廷  
庠生俱有文行季子翊時有傳  
陸攀字威咫清獻叔年少於清獻清獻下帷倪



氏研究道學攀風雨過從折衷請益者七年卓然窺見先儒門仅丙寅以拔貢入都旋歸鍵戶誦述工書善琴爲詩縱橫排奐頗肖蘇梅

曹鳴灼字臻萊由庠生貢成均爲人重本行見善唯恐不及與陸清獻契合博通墳典併精地理年九旬舉鄉飲大賓子宗柱陸清獻壻孝弟力行精研理學叅訂三魚堂諸書清獻年譜乃其創稿子煥謀沉潛力學歲飢棄產捐賑亦能讀清獻書觀風使者王國棟以賢良方正薦以母老辭不赴

平湖縣志

卷十二

人物

文苑

五

陸煥元字闇仲康熙丁巳舉人溫恭謙抑惟以讀書爲事晝夜不倦令粵之昌化甫到官卒

趙光緒字襄孫十二補諸生父督課甚嚴康熙辛未成進士制藝膾炙人口授陝西寶雞令和平寬厚民愛戴之在任八年囹圄時空有趙福星之謠行取未引 見而卒

沈皞日字融谷以貢令粵西來賓天河陞辰州府同知多治績卒于官初爲詩詞以才勝後漸



自然子峻字華九諸生隨父官來賓始學爲詩未幾入都歿于長沙舟次

沈季友字客子康熙丁卯副榜幼侍父西平署受業毛檢討奇齡長遊太學都下咸以才名推轂婦翁陸閣學素著作每引叅定生平重名教刊譜立祠石莊一族賴之分纂邑乘發潛表幽請祀李天植馬嘉禎兩孝廉鄉賢捐資贖閩人之鬻于旗者咸高其義考授邑令沒年四十六子塙字東表亦能詩入洛如社

平湖縣志

卷十二

人物

文苑

美

陸瑋林字右韋以諸生入成均朱縣尹延修邑志選授安肅知縣有惠政歸里後與二三知己倡和南村文采風流溢于賓座孫大復字松澗王孫字硯濤俱有詩名其子銘一字恕先乙卯舉人官壽昌教諭銘三國學生嗣弟上舍王孫後

過陞字錫璜庠生嗜古績學順治己亥施仲芳陸嗣開續舉徵遠社推爲後來之雋一生急人之難性故坦易飲酒溫克有晉人風年八十卒



後裔式微稿多散佚

姚大楨字亘山諸生少穎悟善屬文每客遊探佳山水不慕榮利

陸士煒字昭文好學工文與弟士琰同問業於曹虞部志周博涉風騷三吳有機雲之目琰甲子發解煒屢困名場以太學生終

錢起隆字買山諸生長于詩與陸閣學棗葉中翰舒崇有柘湖三俊之目入太學試北雍不售遊燕楚齊豫問題詠益多歿于山左稿散佚無

平湖縣志

卷十二

人物

文苑

七

存

曹與枚字宸卜少年力學康熙癸酉舉于鄉淡泊自甘年三十五未及授官卒

李登字安道康熙癸酉舉人性孝友門內無間言讀書明于性命之學舉子業其緒餘也弟瑤枝字耕煙雲裁字文海俱以文名有三鳳之目登以公車卒京邸

高輿字巽亭士奇子康熙庚辰進士授庶吉士陞編修



南巡進頌稱

旨特令歸侍祖母父歿後陳情里居奉

命校刊佩文齋詠物詩淵鑑類函進

呈

賜有勉學承先志存誠報國恩

御書輿慎重謙和不立崖岸人有急求無不與讀書外

無他好以扈從熱河病卒

沈岸登字覃九性恬淡屢空晏如生平著述半

遊屐兼工山水蘭石瀟灑淡遠無塵俗氣書宗

平湖縣志

卷十二

人物

文苑

五

二王有三絕之目鐵筆亦精妙

俞曾模字存三庠生依舅氏陸清獻于周禮尤

能闡明先儒旨要少失恃言及母氏必痛哭失

聲更註孝經以志慕焉

陸濂昌字赤城性至孝父瑤林暮年里居昌先

意承志克敦友愛親族貧者不待告急周之生

本貴胄無褻屐氣弱冠知名屢試棘闈不利以

經史百家自娛授松陽訓導不就卒

嚴思位字西武本沈氏以祖孝廉寅出繼于嚴



從其姓父嘗少年能文劉令虞章以女字之未  
幾卒母年十八妊位纔數月孤苦食貧位奉母  
訓勵志績學性超曠輒軻不以爲累晚年中康  
熙己丑進士官檢討在館閱十餘年殫心修史  
癸巳恭遇

聖祖萬壽行養老禮

賜衣一襲碧色硯一方其銘曰以靜爲用是以永年丁  
酉主試廣東選拔多知名士告歸自號山鄰仲  
子崇禮康熙丁酉舉人

平湖縣志

卷十二

人物

文苑

五九

陸世琪字元芳諸生工詩自號清虛散人子文  
元字虞音太學生以詩世其家學世琪從子德  
鑑字睿韜亦工詩弟兄酬倡互相劘切

陸秉琰字方崔父溶原貢生母周氏吳江相國  
女琰幼育于周補吳江弟子員屢試不遇慨然  
有四方之志從族兄祚蕃登萊道幕晚寓山西  
之清源更名琰字玉峯有終焉之志次子時燿  
遠涉數千里長跪泣請康熙丁丑始歸當湖平  
生廉而好義一室惟圖書數卷卒年八十有六



學者稱玉峯先生

沈不負字集九號東樂庠生十歲能文尤耽吟  
詠性孝友菽水承歡與兄明阿分居旬日不晤  
拏舟往詢後仍同居清溪生平篤于知交對牀  
風雨連吟達旦

林朝珪字天漢九歲能屬文十一歲試卽冠軍  
入府庠年逾壯矣阨于闡戰爲人方嚴峻整落  
落寡合性嗜古邑中推博雅領袖及門多知名  
士陸解元琰其一也無子遺稿散佚

平湖縣志

卷十三

人物

文苑

卒

楊九雲字廣菴廩生幼孤事母孝積學能文與  
鍾石城胡國期相切劘吳下諸名士爭重之遊  
其門者率年少登科第

陸光曙字東白廩生父歿事母純孝母或詣弟  
所乘舟登輿必親扶掖抵其家而返旦晚往定  
省風雨無間讀書竟日危坐無惰容行于市未  
嘗旁睨買舟應試解維卽發篋手一編詠誦不  
輟弟光魯乙酉中式肅衣冠拜之曰吾父藉吾  
弟以顯矣晚年崇信釋典瀕貢期不應試以終



無子著作化爲烏有同時姚之揆者字東衡規  
言矩行爲時楷模誦讀勤苦精思務得康熙癸  
巳鄉試首場命中矣疾作不竣事竟以廩膳生  
終亦無後學者稱二東先生

周儒字宋傳幼慧耽書枕籍經史下筆饒有卷  
軸屢躋舉屋貢入成均客燕臺數載不遇歸卒  
于家子紫偉諸生敦行能文授徒餬口秋闈薦  
而不售者再境益坎壈中年賣志以歿

趙廷棻字我師廩生少孤事母孝友愛姊弟竭  
蹶婚嫁頭白無間言爲人長身玉立負雋才善  
騎射通音律雅善談論其文章沉浸濃郁晚歸  
平澹課徒端嚴有法

趙廷驥字丹陛諸生讀書別有心解不落凡近  
旁通術數家貧授徒自給年近九旬猶搦管運  
思以毅力角勝兼工楷書草隸

俞欽奇字丹嶼號西野少奇偉好讀異書工詩  
長篆籀隸書鐵筆尤微妙凡秦漢以來銅玉章  
及各家印譜無不摹倣歷遊齊楚燕豫閩粵滇



黔間與諸名士交抑塞磊落之氣多見之于詩  
其咏懷詩云來朝空甌炊無米今夜孤燈醉有  
詩高風概可想見

倪見龍字朝文康熙壬辰進士中書除上饒令  
鄉闈分校拔楊錫紱爲碩輔名臣罷官主豫章  
書院講席人材多所造就生平酷嗜典籍歸田  
後手不釋卷暮年目瞽猶背誦五經左國史漢  
晝夜不輟尤精制義下筆蒼森華美所著今散  
佚無存

平湖縣志

卷十三

人物

文苑

三

陸時杰字耳瑩號力夫增廣生少負奇氣稍長  
始折節讀書工詩文駢體善持論與人談史書  
泚泚滾滾如置身其間者貧無後遺稿多散佚  
不存

潘應奎字星伯諸生負才不偶放意嘯傲詩從  
香奩入手中年家日落而吟益進蕭澹似左司  
刻苦又近東野洛如社中咸推翹楚

陸奎勳字聚緱號坡星思州守世楷第五子早  
以儒學得名師事叔父棻及兄清獻公康熙已



亥江西白撫軍聘修通志以諸生爲總裁深重其文行也辛丑成進士官檢討纂修明史內制諸大文承

旨撰擬屢邀

褒賜白撫軍入相欲薦用固辭而止歸里後講學陸堂四方受業者以百計學者稱陸堂先生庚戌辛亥

勅修通志李制府延爲總裁甲寅粵西金撫軍延主秀峰書院立學規仿朱子白鹿洞遺意以疾歸弟

平湖縣志

卷三

人物

文苑

三

子祖送者皆流涕而別平生淡于仕進嘗訓弟子曰宇內不少科第少聖賢耳七十六卒子載紀綸有傳

于東景字湯谷康熙庚子副榜少以兄東暹爲師東暹字堯瞻庠生工詩東景讀書稽古隆冬酷暑不輟分隸故事不煩檢閱原委井井年踰古稀問字者盈門酬答如響遇佳山水側帽微吟流連竟日

俞永淇字星源生平謹言行不妄色笑爲文邃



于古法以先民是程時制義疲冗矯之一軌于  
正康熙年汪學使荇洲視學兩浙以嘉隆規範  
程士歲科五校輒冠其曹試草爲遠近爭誦居  
恒執經就正者屢常滿戶外年週花甲以歲貢  
終

屠肇臨字臨宜爲諸生試輒冠軍膺選拔充貢  
除太平縣教諭以端士習嚴月課爲兢兢三載  
乞休歸年七十有八猶授經他宅問字者屢滿  
戶外病亟戒子孫不得用僧道口授常耕硯田  
熟莫還書債清二語者再而歿

平湖縣志

卷三

人物

文苑

六

陸士煊字礪三幼有至性痛母氏早歿終身不  
赴讌會作詩似東野曼卿旣而謂詩僅小技有  
志者不爲遂肆力經學爲士林所重

陸競烈字懶真爲諸生有名秋試得而復失遂  
棄帖括避跡南田栽花累石日以賓客詩酒爲  
樂晚忽棄家名德衛結廬墓傍曰松在往來雲  
林佛日自作生瘞詞後病革叉手吟咏而逝  
馬金章字堅城諸生日記千言一二過輒不忘



風神如衛叔寶然性端重不苟言笑博涉騷雅  
凡義有未析典有未覈者書識于壁必洞曉乃  
去之弟鏊字擎三好以古文爲時文一掃比耦  
纖軟習徑中年得痰疾項背擁腫講誦弗倦以  
歲貢終

張培源字江亭父重芳能詩培源深得家學好  
書購宋元精刻積數千卷藏一樓寢食其中體  
雖羸吟咏不輟卒年二十有六子雲錦字龍威  
太學生淹貫今古工詩與脩浙江通志乾隆辛

平湖縣志

卷三

人物

文苑

奎

未

南巡召試

賜宮緞荷包育嬰堂祐聖宮德藏寺等志皆其手輯  
也

馬煊曾字又昕號懌齋至性純篤幼失怙哀毀  
逾成人長益勤學砥行工制舉業耽吟咏偕陸  
堂太史倡洛如詩社一時名士酬和成編性灑  
脫喜成人美兄焜入北闈無資煊曾有田十五  
畝盡鬻以助焜得領順天鄉薦成進士煊曾舌



耕自給堂兄紹曾歷官少司農煊曾不因人熱  
晚號味閑老人壽九十一子邃堂字子深恪遵  
庭訓有操尙入太學因二親垂白色養終身壽  
亦登九十孫恒錫字久廷庠生幼卽工詩

張在霄字健凌恩貢生少穎悟至性過人父日  
煇以宿學爲諸生師在霄遜志攻苦未弱冠餼  
于庠爲文根柢經史父歿孝事祖母及母友愛  
弟鍾秀課以實學鍾秀字鴻漸雍正甲辰進士  
授湖廣孝感令首重文教朔望集諸生必課其  
經學望誤罷職邁制府以湖廣省志委輯稱精  
核志竣題復襄陽知縣督撫以肆應從容題署  
襄陽知府蒞任未幾卒于官

倪觀光字右文號咫菴庠生性謙和與人接益  
然如春設帳于家問字者踵門至多所造就雍  
正癸卯選拔除於潛教諭八年砥礪研摩諸生  
悉感其教化士習蒸然平生孝友姻睦每調親  
族之貧乏者年踰八十終無子

倪淳字東岩正直端方不苟訾笑學宗程朱制



藝一準先民爲諸生館陶氏適陶被猾構訟詞  
連渟值雍正壬子秋試以含忿得疾渟默誓一  
生名節冀獲雋則洗榜發果捷益自刻勵渟器  
宇宏深神表峰峻不獲策名仕版藝林惜之

王觀成字元文廩生幼有神童之目麻城張學  
使面試七藝補弟子員性鯁直好濟人急隣被  
火各賙以金多讀書善講貫凡天官地志律歷  
河渠叩之靡不條析源委受業弟泰順字健國  
弱冠舉于鄉而成竟疽發于背年四十七卒弟

平湖縣志

卷三

人物

文苑

七

用錫字廷獻以歲貢任新城訓導邃于易學季  
錫嘏字元肅歲貢生與二兄齊名能詩

金廷煌字旭昌諸生性孝友讀書淹貫經史言  
動輒以古人爲法陸清獻嘗稱爲學者

孫均諸生少負博雅名文章詩畫時稱三絕

周理字建庸太學生本姓李嘗遊京師歸而  
聚徒講學以終老焉

陳永祺字體仁廩生性寬厚和平喜怒不形于  
色每談前輩懿行娓娓終日聽者動容課徒首



先器識戒後進浮佻飭躬砥行者德宿望士林  
矩範永祺少清敏好屬文專精舉業工楷書年  
六十不售學使者檄試將告休學使曰汝尙矍  
鑠可畢試竟列高等食餼乃益踴躍赴棘闈乾  
隆戊午出闈夢中有告以汝庚辰發解者醒語  
友云予庚辰年已百歲是教子不必試也自後  
輟舉子業飲酒自娛年七十餘卒後庚辰孫朗  
領鄉薦第一官比部

沈昌祚字御帆諸生負才名爲毛西河高弟性

平湖縣志

卷十三

人物

文苑

奕

曠逸與宗人柘西黑蝶輩倡酬間作小賦得六  
朝遺意

葉之淇字右水號侍堂江南歙縣人父僑寓當  
湖因家焉少負異才從陸閣學雅坪遊與孫嘯  
夫沈南疑輩有蘇門四學士之目陸太史坡星  
倡洛如詩會偕其弟之溶與焉子映榴字柳田  
諸生亦能詩

葉之溶字笠亭之淇弟李學使清植以人品端  
方薦程制府元章舉鴻博偶中痰疾不獲試長



子鑿字筠客乙卯拔貢官於潛教諭次子諫字信臣監生並能詩繼其家學

沈黼熊字肅度增廣生淹貫古學下筆爲文手不停綴尤工填詞晚歲自號老菴主弟敏修字巽來少績學工文中年悼亡不再娶家貧授徒于孤寒力學者倍加訓課不取束修生平行誼爲士林圭臬

孫從讜字質生廩生舉業以熊鍾陵爲楷模一時名士咸推祭酒書畫亦工妙

平湖縣志

卷三

人物

文苑

完

陸載崑字伯璣號漁滄諸生幼穎敏年十三卽能韻語長而詩益工金壇相國于敏中受業門下冠瀛洲選崑終躋場屋敏中視學山左延入署校文疾作遂卒從弟載霍字亞灤太學生亦工詩

劉錫勇字硯芬號蔬叟諸生博學多識詩文不屬草千言立就自中繩尺生平友愛至老彌篤年四十餘喪偶不再娶無子

沈廷陞字廉叔雍正丙午舉人以乾隆丁巳開



通榜除奉化教諭陞綿竹縣知縣量移納谿撫  
字窮黎清廉慈惠考滿致仕歸廷陞工填詞中  
年喪耦不娶獨居一室木榻敝帷雖在官如儒  
生卒年七十六

馬拱垣字翼乾諸生親歿終身茹素手植松栢  
森森成林戚族以緩急告曲應其求每日何可  
令人有愧色嗜學不倦春秋七十有五不出戶  
者四十餘年學者稱閉戶先生

沈修齡字遐菴一字葦鄉諸生工詩古文辭修  
清溪家譜立言有體遠近講宗法者取則焉家  
故饒以落拓好施子至饘粥不給恬然安之無  
戚容

牟江歷字西崑闡易義性理與同里范光寅舒  
元馬鎧應旂同推博學淹貫壬子同登賢書癸  
丑江歷成進士乙卯聘充江南鄉試同考官旋  
相繼歿士林惜之

沈燮字御李諸生工詩遊金閶白門江右日下  
湖北黔南凡山川草木奇聞壯觀咸以詩發之



子天達字驤九亦能世其家學

陸其暉字琢良廩生孝友醇謹從清獻公遊授徒講學以讀書立品爲訓究心經學

陸載紀字抱青號敦南歲貢生翰林陸堂長子幼而好學老而不倦于書無所不讀寢食坐卧不離書堵見卽手錄成編爲古文直逼秦漢詩無體不備而醇鬱矯變直登工部堂奧嘗笑陸劍南六十年來只十萬詩載紀數倍焉乾隆庚戌分纂浙江通志癸丑粵撫聘修廣西省志所

平湖縣志

卷十三

人物

文苑

十一

至名賢倒屣洎以母老歸課子姪及生徒問字者無虛日以脯修佐母甘旨母病不脫冠帶者六旬歿日夜啼泣賦烏夜啼志哀與弟漁鄉相依白首友愛如少時年七十二卒

韓戴錦字貽孫諸生詩宗晚唐兩宋諸家對客揮毫千百言了無窘色

宋景濂字雙穎父炳奉母瞻戚族以孝義聞于鄉景濂未冠入學補廩膳生學詩于陸太史奎勲學駢體于劉秀才錫勇古文則私淑周宏起



妥帖排冝欲自成一家言性卞急中年與黃正  
色遊熏陶涵養歸于和平踵李孝廉九山志網  
羅放佚作乍浦九山續補志未成而目疾作遂  
輟業卒年六十正色字肇修踐履篤實好養生  
家言乾隆壬午當充 恩貢患末疾不能運腕  
考試以廩膳生終

唐起鳳字羽豐號九峰鄉飲雲石季子性英慧  
年舞勺卽能詩文工楷書弱冠領乾隆丙辰鄉  
薦屢上公車不得志遂絕意進取閉門課子賦

平湖縣志

卷十三

人物

文苑

七

詩自適

陸天錫字畏蒼乾隆戊午舉人襁褓失怙母林  
親授章句長而以能文名遠館數千里外脯修  
所入悉以奉母無私財母歿痛不及祿養得心  
忡疾奉部截取知縣不能赴旋卒年六十二生  
平交友以道義相切磨晚境憔悴詩益雄健卓  
犖書法亦縱橫得晉人風致

陸祖錫字念劬諸生垣子三齡失怙經書悉母  
林口授過目不忘弱冠受知交河王學使時藝



古學俱冠七邑以拔貢入成均考補教習未滿  
聞母喪馳歸適交河視學上江招之入幕旋隨  
入陝會 詔舉博學鴻詞卽疏名以進浙江李  
制府直隸錢學使亦交章薦之

召試保和殿報罷歸里艱苦著述致心疾而卒

張奕樞字掖西號今涪太學生崢子父早歿樞  
年十九同胞弟八人幼纔四齡奕樞色養孀母  
而家政一秉慈訓延師課諸弟讀書相繼游庠  
各蜚聲藝苑經紀婚娶雍正壬子癸丑歲連祔

平湖縣志

卷三

人物

文苑

七

遭母喪柴毀骨立復殫心籌畫備物盡禮旣薄  
遊長安三試京兆不售交遊益廣學問日進以  
食指殷繁與諸弟析爨樞室無儋石遂入西秦  
東粵入閩復往山右歷湘南抵豫章棲遲幕府  
流覽山川遂多吟咏以病歸日與諸弟怡怡友  
愛文行重海內以太學生終士林惜之仲弟應  
璇字義傳庠生事母最孝母多病博覽方書盡  
通其道親奉湯藥刻陸清獻制義行世弟在璣  
字鳳放增廣生善屬文屢試不售與兄同揀選



政皆有聲于時焉

褚王庭字扶九博學工文才名鵲起應西江學  
幕歸文益高雋終困棘闈雍正己巳以歲貢授  
孝豐訓導年踰大耋不樂赴引老力辭子如幾  
字陟三庠生科歲校名不出第五至食餼年已  
開七十矣生平專治葩經閱六寒暑弗輟晚耽  
易旁搜博採丹墨互換稿本如綴古帖子鳳階  
字冠周府庠生先卒

馮承烈字孝移庠生卓犖不羈博通經史歲科

平湖縣志

卷十二

人物

文苑

古

歷試前茅康熙庚子鄉闈已雋復失品行純潔  
家貧極力供甘脆娛親色養數十年友愛弟昆  
撫姪成立督課舉子業遂得蜚聲黌序鄉里不  
能舉火者視其家盎有餘粟卽分升斗漑之生  
平樂善好施始終不倦嘗以日行一善自課褐  
衣布屨開講席學者宗之多所成就暮年得軟  
脚病坐臥一樓圖史滿几案

高嵩字三臺輿子工書法蒼勁秀逸詩亦瀟灑  
有致河工効力歷署縣丞乞休歸日飲酒賦詩



徜徉物外年七十無疾而卒稿散失罕有存者  
姪澍字說霖以諸生官鹽大使署靖邊縣修棧  
道建養老書院卒于官

馮重華字文彪家貧刻苦績學博綜經史乾隆  
壬申年五十始領鄉薦性耿介不爲翁翁熱人  
望其風采畏之遇學古士輒傾心獎借爲文典  
重有骨

錢大經字虞惇號敦堂性孝友恂恂言行好學  
不倦家寒窘父許淳廩生嘗語人曰田無負郭

貧如原憲終歲事舌耕無一快意惟見經攻苦  
力學稍遣百愁年舞勺游庠卽授徒佐薪水乾  
隆甲子登賢書甲戌補內閣中書丁丑成進士  
入翰林庚辰以庶常分校甄拔皆知名士改編  
修請業者甚衆多所造就以勞瘁卒于官

胡涵字太初乾隆丁卯舉人授內閣中書出爲  
廣平府同知改河西務地爲南北水驛衝衢鄉  
人士過其境必畱署欸洽詩酒倡和年六十卒  
于任宦橐蕭然



馮銳字含輝號澹園少穎悟讀書過目成誦年十八補博士弟子員試輒高等膺癸酉選拔棘闈屢薦不售操選政二十餘年文名噪海內問字者屢滿戶外除仙居縣教諭精勤督課士氣一新三月卒于署歸櫬時諸生感泣有徒步追送百里外者

黃密字恭謹庠生居乍浦家貧少時就塾每午飯衆去必移時而密曾不須臾卽至師疑而跡之則在途中啖餅一二枚當午餐師憐之益加勤課密愈自刻苦竟以書法名于時乍五方雜處其習尙浮夸密以矜飭矯厲末俗門下執經者皆循循矩矱或囂陵詬誶恥爲密所知人品爲士林圭臬

孫國柱字顏卓太學生性灑脫不設城府家世小康樂推解有以緩急告者無不應遂中落工吟事含蓄有蘊致顧不自愛惜隨作隨棄子鏡明爲收輯殘詩然存亦寥寥矣

孫栢曾字永青諸生事繼父如本生父待羣從



兄弟如同懷性剛毅不肯媵阿諛俗善楷書工  
詩精制藝易簣時戒家人勿作佛事惟製絮衣  
百件惠無衣者



